

Švicarska agencija za razvoj i saradnju u Bosni i Hercegovini, Univerzitet u Cirihi i Centar za demokratske studije u Aarau sa zadovoljstvom objavljuju otvaranje konkursa za učešće u programu „Izazovi demokratije u multikulturalnim društvima: Izgradnja kapaciteta za buduće donositelje odluka i lidere javnog mnijenja“. Ovaj program ima za cilj davanje prilike talentovanim mladim studentima da unaprijede svoje znanje u sferi demokratizacije i ustavne reforme u multikulturalnim društvima. Program se organizira u sklopu dugoročnog projekta koji Švicarska agencija za razvoj saradnju (SDC) provodi od 2005. godine u kontekstu švicarskog doprinosa ustavnoj reformi u Bosni i Hercegovini.

30 studenata, upisanih na fakultete političkih nauka ili prava na *javnim univerzitetima u Bosni i Hercegovini*, dobiti će mogućnost da sudjeluju u dva jednosedmična seminaru:

- *zimskoj školi u Neumu (28.01.2013-02.02.2013), i*
- *ljetnoj školi u Švicarskoj (12.08.2013-17.08.2013)*

Organizacija seminara

Studenti koji će učestvovati u programu, dobiti će mogućnost da poboljšaju svoje znanje o izazovima demokratije u multikulturalnim društvima. Kroz različite kurseve koji će im biti ponudeni, studenti će steći snažnu **teorijsku podlogu** (iz domena teorija liberalizma, demokratije, izbornih sistema, federalizma, teorije zastupljenosti, uloga međunarodnih konvencija i sudova, procesa europske integracije, itd.), ali će im također biti predstavljeni i **empirijski primjeri drugih multikulturalnih društava** (kako etabliranih demokracija tako i post-konfliktnih društava) i njihovih političkih sistema (poput Kosova, Makedonije, Belgije, Kanade, Švicarske, Južnog Tirola, Španije, Iraka, Libana, itd.). Predavanja će držati predstavnici akademske zajednice kao i stručnjaci iz prakse koji se susreću sa procesima ustavne reforme (iz institucija poput Europskog suda za ljudska prava, Venecijanske komisije, državnih parlamenata, OHR-a i sl.).

Seminari će se sastojati od akademskih predavanja i fokusiranih radionica (s mogućnošću izbora između različitih radionica u skladu s interesima studenta), kao i od svakodnevnog obaveznog čitanja zadatih materijala.



Kao dodatak akademskim predavanjima i radionicama sa stručnjacima iz prakse, tokom ljetne i zimske škole biti će organizirani i različiti izleti i studijske posjete. Ove aktivnosti uključivati će posjetu švicarskoj prijestolnici Bernu, Švicarskom federalnom parlamentu, posjetu gradu Mostaru, te slične aktivnosti osmišljene da upoznaju studente sa specifičnim institucijama i sistemima.

Također, u skladu s iskazanim interesom studenata, postoji mogućnost organiziranja manjih jednodnevnih radionica na različitim bh. univerzitetima uz učešće međunarodnih i lokalnih stručnjaka, koje bi se održavale u proljeće 2013. godine. Ove radionice imaju za cilj da adekvatno odgovore na iskazane potrebe studenata i profesora iz Bosne i Hercegovine za specijaliziranim temama i područjima istraživanja.

Jezik

Seminari će se odvijati na engleskom i b/h/s jezicima u skladu s provenijencijom stranih odnosno lokalnih stručnjaka/predavača. Iz ovog razloga je potrebno minimalno **dobro pasivno vladanje engleskim jezikom** učesnika programa.

Troškovi

Svi troškovi (putovanja, smještaja i ishrane) biti će pokriveni programom.

Evaluacija

Po uspješnom okončanju programa, studentima će biti dodjeljeno 5 ECTS kredita od strane Univerziteta u Cirihu.

Evaluacija uspjeha studenata će se sastojati od:

- 30 %: *seminarski rad* na jedinstvenu temu zadatu studentima tokom prvog seminara (zimske škole) s rokom za predaju radova u februaru/veljači 2013. godine.
- 50 %: *završni istraživački rad* na individualno odabranu temu s rokom za predaju radova do septembra 2013. godine.
- 20 %: *aktivno sudjelovanje i diskusija o zadatim materijalima tokom trajanja seminara.*



Kriteriji za učešće:

- Minimalno 180 ECTS kredita stečenih kroz studij prava ili političkih nauka ili srodnog polja studija na jednom od osam javnih univerziteta/sveučilišta u Bosni i Hercegovini.
- Veoma dobri akademski rezultati tokom dosadašnjeg studija
- Dobro znanje engleskog jezika (dovoljno za razumjevanje i učestvovanje na dijelu predavanja koja će biti izvođena na engleskom jeziku)
- Izražen interes za temu demokratizacije i želja za izradom istraživačkog projekta istovrsne ili srodne tematike tokom trajanja programa
- Prijavni esej od 3000 riječi na temu “Najvažniji izazovi za ustavnu reformu u Bosni i Hercegovini: Izdvojite tri takva izazova i analizirajte ih, navodeći prepreke i prilike koje su usko vezane za svaki od njih”. Esej može biti napisan na engleskom ili b/h/s jezicima.
- Starosna granica: 30 godina starosti u doba podnošenja prijave

Proces selekcije će se sastojati od pažljivog uvida u profil svih kandidata i njihovu motivaciju za učešće u program (50%), te od ocjene kvaliteta prijavnog eseja (50%).

U procesu selekcije, biti će ispoštovana garancija učešća najmanje jednog studenta sa svakog od osam javnih univerziteta u Bosni i Hercegovini.

Najbolji esej će biti nagrađen novčanom nagradom u iznosu od 400 KM.

Dodatna mogućnost dobivanja stipendije za studij u Švicarskoj

Dvoje studenata s najboljim rezultatima postignutim u okviru programa, imati će mogućnost sticanja pune stipendije, dodjeljene za jednosemestralni studij na jednom od univerziteta u Švicarskoj na nivou Master studija ili istraživanja za doktorske studije.



Konkurs za učešće studenata u programu

“Izazovi demokratije u multikulturalnim društvima”

Zimska i ljetna škola u Bosni i Hercegovini i Švicarskoj (zima/ljeto 2013. godine)

Prijavlivanje

Rok za dostavljanje prijava za učešće je 30.11.2012. godine.

Prijave trebaju sadržavati:

- Popunjen [obrazac za prijavu](#), uključujući **pismo motivacije** (maksimalno 1000 riječi) u kojem se objašnjava interes za program i elaborira posebna tema koju bi aplikanti željeli istraživati tokom trajanja programa.
- **Prijavni esej** od 3000 riječi na temu “Najvažniji izazovi za ustavnu reformu u Bosni i Hercegovini: Izdvojite tri takva izazova i analizirajte ih, navodeći prepreke i prilike koje su usko vezane za svaki od njih” - na engleskom ili b/h/s jezicima
- **Prepis ocjena** sa matičnog univerziteta/fakulteta s naznačenim prosjekom ocjena u toku dosadašnjeg studija te imenima predmeta i pripadajućim ocjenama i brojem ostvarenih ECTS kredita

Prijave i eventualna pitanja vezana za program, dostaviti projektnoj koordinatorici Céline Antonini na slijedeću e-mail adresu: celine.antonini@zda.uzh.ch

Obrazac za prijavu moguće je dobiti na: www.ccr.ba/obrazac

